



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU DEMOKRATSKE FRONTE

Broj: 03-07-6-311/18  
Sarajevo, 06.08.2019. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE .....	9

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Demokratske fronte za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2017. godinu, utvrđeno je da je Demokratska fronta prekršila odredbe člana 4. stav (1), člana 8. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.**

**Pregledom, odnosno kontrolom finansijskih izvještaja, osim gornjih napomena nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Demokratske fronte za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Demokratska fronta se finansirala iz sljedećih izvora<sup>1</sup>:

R/B	Izvori finansiranja	Iznos (KM)	Struktura (%)
1.	Članarina	17.393,71	1,47
2.	Prilozi fizičkih lica ( 3-a )	48.864,54	4,14
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	10.860,00	0,92
7.	Prihodi iz budžeta ( 3-f )	1.104.303,97	93,47
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>1.181.422,22</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>1.181.422,22</b>	<b>100,00</b>

U godišnjem finansijskom izvještaju stranka je iskazala rashode u ukupnom iznosu od 680.588,11 KM.

## 2. PREDSTAVLJANJE POLITIČKE STRANKE

Naziv političke stranke je Demokratska fronta. Skraćeni naziv stranke je DF.

Politička stranka Demokratska fronta BiH registrovana je kod Općinskog suda u Sarajevu, rješenjem broj: 065-0-F1-13-000001 od 24.04.2013. godine. Rješenjem broj: 065-0-F1-14-000011 od 06.05.2014. godine promijenjen je naziv stranke u Demokratska fronta-Željko Komšić. Na osnovu rješenja Općinskog suda u Sarajevu, broj: 065-0-F1-15-000015 od 14.10.2015. godine, politička stranka djeluje pod nazivom Demokratska fronta.

Sjedište političke stranke je u Sarajevu, ulica Saliha Udžvarlića 10.

Lice ovlašteno za zastupanje stranke je Željko Komšić, predsjednik stranke.

Lice ovlašteno za podnošenje finansijskih izvještaja za 2017. godinu je Hamed Hodžić.

Prema podacima iz godišnjeg finansijskog izvještaja za 2017. godinu, organizacionu strukturu Demokratske fronte čine:

- Centrala stranke,
- 7 kantonalnih odbora i
- 59 općinskih odbora.

<sup>1</sup> Podaci iz korigovanog obrasca 3 (izvori finansiranja) godišnjeg finansijskog izvještaja za 2017. godinu koji je dostavljen dana 23.04.2019. godine.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Demokratske fronte za 2017. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Demokratske fronte obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenost izvora finansiranja i način trošenja sredstava.

### 4. PRETHODNE KONTROLE I REVIZIJE

Služba za reviziju obavila je reviziju i pregled finansijskih izvještaja Demokratske fronte u periodu od 2013. do 2016. godine, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama stranci.

Nakon izvršene revizije godišnjeg finansijskog izvještaja za 2016. godinu i postizbornog finansijskog izvještaja-Lokalni izbori 2016. godine, Služba za reviziju je izdala Izvještaj o reviziji sa mišljenjem revizora, nalazima revizije i preporukama stranci da finansijska sredstva obezbijeđena za finansiranje stranke koristi isključivo za ostvarivanje ciljeva utvrđenih svojim programom i statutom, da se ne finansira iz izvora koji su zabranjeni ovim Zakonom, da poslovne knjige vodi u skladu sa računovodstvenim propisima, odnosno da vodi pravilne evidencije o prihodima, rashodima i obavezama i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Demokratska fronta nije ispoštovala date preporuke.

### 5. NALAZI I PREPORUKE

#### 5.1. NALAZI

#### **a) Demokratska fronta je prekršila odredbe člana 4. stav (1) Zakona o finansiranju političkih stranaka<sup>2</sup>.**

Pregledom finansijskog izvještaja i finansijske dokumentacije, utvrđeno je da je Demokratska fronta u finansijskom planu za 2017. godinu planirala troškove u iznosu od 956.389,00 KM, dok je u finansijskom izvještaju iskazala troškove u iznosu od 680.588,11 KM.

Demokratska fronta kod pojedinih vrsta troškova nije se pridržavala finansijskog plana utroška, pa je iste ostvarila u većem iznosu od troškova predviđenih finansijskim planom, kako slijedi:

- Finansijskim planom stranka je planirala troškove neproizvodnih usluga, radio, TV i reklamne agencije u iznosu od 40.000,00 KM, dok su u finansijskom izvještaju na obrascu 4.1 (režijsko-administrativni i ostali troškovi) i poslovnim knjigama iskazani u iznosu od 44.206,04 KM, što je za 4.206,04 KM više od planiranog iznosa.

---

<sup>2</sup> U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

- Tekuće i investiciono održavanja prostorija i opreme planirano je u iznosu od 10.000,00 KM, a ostvareno je u iznosu od 26.540,28 KM, odnosno više od plana za 16.540,28 KM.
- Troškovi za štamparske usluge, kopiranje propagandnog materijala, izrada brošura, plakata i obavijesti planirani su u iznosu od 10.000,00 KM, a ostvareni u iznosu od 13.976,24 KM, što je više od plana za 3.976,24 KM.
- Troškovi goriva, maziva i registracije vozila planirani su u iznosu od 7.000,00 KM, a ostvareni su u iznosu od 21.366,11 KM, odnosno više od plana za 14.366,11 KM.
- Troškovi električne energije i telefona su planirani u iznosu od 39.372,00 KM a ostvareni u iznosu od 43.816,73 KM, odnosno u većem iznosu za 4.444,73 KM u odnosu na planirane.

Pored navedenog, utvrđeno je da stranka u finansijskom planu za 2017. godinu nije planirala pojedine vrste troškova, a koje je iskazala u finansijskom izvještaju i evidentirala u poslovnim knjigama u ukupnom iznosu od 158.549,74 KM. Utvrđeno je da stranka nije planirala sljedeće troškove: troškove ostale energije u iznosu od 25.417,66 KM, troškove reprezentacije u zemlji u iznosu od 5.012,32 KM, usluge interneta u iznosu od 8.865,53 KM, troškove poreza i doprinosa koji ne zavise od rezultata u iznosu od 19.043,61 KM i ostale rashode u iznosu od 100.210,62 KM. U iznosu ostalih rashoda uključene su i naknade za ugovore o dijelu u iznosu od 85.293,47 KM.

S obzirom da stranka sredstva nije utrošila u skladu sa finansijskim planom troškova za 2017. godinu, prekršila je odredbe člana 4. stav (1) Zakona o finansiranju političkih stranaka.

**b) Demokratska fronta prekršila je odredbe člana 8. stav (1) tačka g) Zakona o finansiranju političkih stranaka.**

Uvidom u korigovani obrazac 3-e (nenovčane donacije i računi koje politička partija nije imala obavezu platiti) finansijskog izvještaja, utvrđeno je da je stranka u 2017. godini koristila prostorije Saveza samostalnih sindikata Zavidovići bez naknade, te da procijenjena vrijednost zakupnine iznosi 1.200,00 KM.

S obzirom da Demokratska fronta nije imala obavezu da plaća zakupninu, primila je nenovčanu donaciju koja je odredbama člana 8. stav (1) tačka g) Zakona o finansiranju političkih stranaka zabranjena.

**c) Politička stranka je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.**

Na osnovu obavljenog pregleda godišnjeg finansijskog izvještaja i finansijske dokumentacije, utvrđeno je da Demokratska fronta nije, u skladu sa odredbama Zakona o finansiranju političkih stranaka, uspostavila potpune i tačne evidencije o prihodima, rashodima i obavezama na dan 31.12.2017. godine, te poslovne knjige nije vodila u skladu sa računovodstvenim propisima, čime je prekršila odredbe člana 11. stav (1) i člana 12. stav (1) Zakona o finansiranju političkih stranaka<sup>3</sup>. Finansijski izvještaj stranka nije popunila u skladu sa odredbama člana 12. stav (4) ovog Zakona<sup>4</sup> i Pravilnikom o godišnjim finansijskoim izvještajima političkih stranaka - u daljnjem tekstu: Pravilnik.

(1) Nakon izdavanja Preliminarnog izvještaja o pregledu godišnjeg finansijskog izvještaja za 2017. godinu, stranka je dostavila korigovani obrazac 3 (ukupni prihodi političke stranke) godišnjeg finansijskog izvještaja za 2017. godinu, Završni račun: Bilans stanja i uspjeha-zamjenski i Bruto bilans analitike za period 01.01.-31.12.2017. godine.

<sup>3</sup> U skladu sa odredbom člana 11. stav (1) Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima. U skladu sa odredbom iz člana 12. stav (1) ovog Zakona dužna je uspostaviti evidencije o svim prihodima i rashodima.

<sup>4</sup> U skladu sa odredbom iz člana 12. stav (4) Zakona, politička stranka podnosi finansijski izvještaj u formi koju odobri Centralna izborna komisija BiH.

Uvidom u dostavljene izvještaje utvrđeno je da su podaci o prihodima u godišnjem finansijskom izvještaju iskazani u manjem iznosu u odnosu na podatke iz Bruto bilansa, odnosno Završnog računa.

Naime, u korigovanom obrascu 3 stranka je iskazala ukupne prihode u iznosu od 1.181.422,22 KM, dok je u zamjenskom Bilansu uspjeha iskazala ukupne prihode u iznosu od 1.192.411,00 KM. Uvidom u Bruto bilans analitike utvrđeno je da su ukupni prihodi stranke evidentirani u iznosu od 1.199.410,84 KM.

Takođe, utvrđeno je da stranka nije uspostavila pravovremene i tačne evidencije o troškovima, te iste nije uspostavila po organizacionim dijelovima stranke.

U finansijskom izvještaju stranka je iskazala ukupne rashode na obrascu 4 (rashodi političke stranke) u iznosu od 680.588,11 KM, što ne odgovara podacima iz Bruto bilansa-zamjenskog i Bruto bilansu analitike za period 01.01.-31.12.2017. godine koji je stranka dostavila nakon preliminarnog izvještaja. Stranka je u Bruto bilansu analitike za period 01.01.-31.12.2017. godine ukupne rashode evidentirala u iznosu od 675.777,56 KM, dok je u Bilansu uspjeha-zamjenskom za period 01.01.-31.12.2017. godine iskazala ukupne rashode u iznosu od 668.778,00 KM.

- (2) Kontrolom izvoda transakcionog računa kod Reiffeisen bank, broj: 1610000106750063 utvrđeno je da se uplaćena sredstava od Ministarstva finansija i trezora BiH u iznosu od 7.000,00 KM, a odnose se na povrat takse za ovjeru za učešće na Lokalnim izborima 2016. godine. Stranka je navedenu uplatu, odnosno povrat svojih sredstava, u poslovnim knjigama evidentirala kao sredstva iz državnog budžeta, namijenjena za finansiranje političke stranke, odnosno više je evidentirala navedena sredstva za 7.000,00 KM.
- (3) Uvidom u potvrde o primljenim članarinama koje je stranka dostavila, utvrđeno je da sadržaj potvrda nije usaglašen sa odredbama člana 6. Pravilnika. Izdate potvrde nemaju unesene podatke za broj ličnog dokumenta donatora i potpis ovlašćenog lica stranke.
- (4) Na obrascu 3-a (prilozi fizičkih lica) finansijskog izvještaja stranka je iskazala priloge fizičkih lica u iznosu od 48.864,54 KM, dok je u poslovnim knjigama iste evidentirala u iznosu od 48.799,54 KM. U finansijskom izvještaju donacije fizičkih lica iskazane su u većem iznosu za 65,00 KM u odnosu na evidentirane u poslovnim knjigama.
- (5) U obrascima 3 (izvori finansiranja) i 3-f finansijskog izvještaja (prihodi iz budžeta) stranka nije pravilno iskazala prihode iz budžeta, čime je prekršila odredbe člana 13. i 19. Pravilnika.  
  
Stranka je prihod iz budžeta Općine Ilidža iskazala u manjem iznosu za 858,60 KM. Prema podacima koje je dostavila Općina Ilidža, aktom broj: 06-14-60/19-3 od 15.01.2019. godine, stranci su dodjeljena sredstva iz budžeta ove općine u iznosu od 15.105,60 KM. Na transakcijski račun stranke uplaćena su sredstva u iznosu od 14.247,60 KM što je stranka iskazala u finansijskom izvještaju, a dijelom sredstava u iznosu od 858,60 KM plaćena je zakupnina za korištenje prostora Općine Ilidža.
- (6) Služba za reviziju je utvrdila da Demokratska fronta nije u godišnjem finansijskom izvještaju i poslovnim knjigama pravilno iskazala troškove zakupa poslovnih prostora<sup>5</sup> i obaveze u poslovnim knjigama prema zakupodavcima, čime su prekršene odredbe člana 21., 22. i 24. Pravilnika.

---

<sup>5</sup> Troškovi zakupa poslovnih prostora u poslovnim knjigama i obrascima 4.1 finansijskog izvještaja nakon očitovanja nisu evidentirani, tj. knjiženi u poslovnim knjigama i iskazani na pomenutim obrascima.

-Stranka u poslovnim knjigama nije evidentirala i u finansijskom izvještaju nije iskazala troškove zakupa u iznosu od 10.860,00 KM, a koji su nastali po osnovu besplatnog korištenja poslovnih prostora u vlasništvu šest općina<sup>6</sup> i Saveza samostalnih sindikata Zavidovići.

- Kontrolom ugovora o zakupu poslovnih prostora, poslovnih knjiga i podataka o troškovima zakupa iskazanim u finansijskom izvještaju stranke, utvrđeno je da su troškovi zakupa evidentirani i iskazani u manjem iznosu za 6.219,40 KM i to za sljedeće organizacione dijelove stranke: Visoko u iznosu od 300,00 KM, Vareš u iznosu od 117,00 KM, Olovo u iznosu od 400,00 KM, Živinice u iznosu od 250,00 KM, Lukavac u iznosu od 500,00 KM, Banovići u iznosu od 250,00 KM, Čelić u iznosu od 400,00 KM, Doboj Istok u iznosu od 225,00 KM, Ključ u iznosu od 800,00 KM, Velika Kladuša u iznosu od 250,00 KM, Jajce u iznosu od 163,80 KM, Vitez u iznosu od 130,00 KM, Busovača u iznosu od 200,00 KM, Donji Vakuf u iznosu od 633,60 KM, Gornji Vakuf-Uskoplje u iznosu od 150,00 KM, Goražde u iznosu od 400,00 KM, Brčko u iznosu od 200,00 KM, Gradiška u iznosu od 200,00 KM, Zvornik u iznosu od 500,00 KM i Srebrenica u iznosu od 150,00 KM. Takođe, stranka nije iskazala ni obaveze po osnovu zakupa za gore navedene odbore u poslovnim knjigama<sup>7</sup>.

-Pregledom je, takođe, utvrđeno da je stranka u većem iznosu iskazala troškove zakupa u odnosu na ugovorenu cijenu kod pet organizacionih dijelova stranke, u ukupnom iznosu od 5.090,96 KM i to: Tešanj u iznosu od 250,00 KM<sup>8</sup>, Sanski Most u iznosu od 800,00 KM<sup>9</sup>, Konjic u iznosu od 1.454,72 KM<sup>10</sup>, Prijedor u iznosu od 352,26 KM<sup>11</sup> i Kantonalnog i općinskog odbora Zenica u iznosu od 2.233,98 KM<sup>12</sup>.

- (7) Pregledom godišnjeg finansijskog izvještaja i finansijske dokumentacije, utvrđeno je da stranka nije uspostavila i vodila pravilne evidencije o obavezama prema dobavljačima i nije izvršila usaglašavanje obaveza na dan 31.12.2017. godine, što za rezultat ima pogrešno iskazane obaveze u poslovnim knjigama i obrascu 5 (obaveze političke stranke) godišnjeg finansijskog izvještaja, čime su prekršene odredbe člana 24. Pravilnika.

U poslovnim knjigama politička stranka je na dan 31.12.2017. godine kod 48 dobavljača iskazala preplate, u ukupnom iznosu od 539.236,31 KM, među kojima je Direct Media d.o.o. Sarajevo, sa preplatom od 498.938,16 KM.

Pregledom finansijske dokumentacije je utvrđeno da nisu u pitanju preplate, niti uplaćeni avansi, već su to knjigovodstveni propusti, odnosno politička stranka je neizmirene obaveze

<sup>6</sup> Novo Sarajevo, Stari Grad, Novi Grad, Hadžići, Ilijaš, Zavidovići i Bosanska Krupa

<sup>7</sup> Stranka je nakon očitovanja na Preliminarni izvještaj unijela obaveze po osnovu zakupa u obrazac 5.2, ali nije izvršeno knjiženje obaveza u poslovnim knjigama za 2017. godinu.

<sup>8</sup> Ugovor o zakupu poslovnog prostora sa Ekremom Ajanovićem, po cijeni mjesečnog zakupa od 250,00 KM, odnosno troškovi zakupa za 2017.godinu iznose 3.000,00 KM. Na obrascu 4.1 troškovi zakupa iskazani u iznosu od 3.250,00 KM.

<sup>9</sup> Ugovor o zakupu poslovnog prostora sa Muhamedom Lemešom, mjesečna cijena zakupa u iznosu od 400,00 KM. Ugovor o zakupu sa Opštinom Sanski Most po cijeni mjesečnog zakupa sa PDV u iznosu od 16,73 KM, što za period od 11 mjeseci iznosi 200,80 KM. Ukupno troškovi zakupa iznose 600,80 KM, na obrascu 4.1 troškovi iskazani u iznosu od 1.400,80 KM. Muhamedu Lemešu plaćene 2 zakupnine po 400,00 KM iz predhodne godine u iznosu od 800,00 KM, koje ne čine troškove zakupa u 2017.godini.

<sup>10</sup> Ugovor o zakupu sa Lutrijom BiH, cijena mjesečnog zakupa sa PDV iznosi 234,00 KM, pa tako ukupni troškovi za 12 mjeseci 2017.godine iznose 2.808,00 KM. Na obrascu 4.1 troškovi zakupa iskazani su u iznosu od 4.262,72 KM. U troškove zakupa stranka je uračunala plaćenu zakupninu Esadu Maciću iz predhodne godine u iznosu od 1.600,00 KM.

<sup>11</sup> Ugovor o zakupu sa Goranom Jankovićem i Sašom Dobrijevićem po cijeni mjesečnog zakupa od 180,00 KM, što za 2017. godinu troškovi zakupa iznose 2.160,00 KM. Stranka je na obrascu 4.1 iskazala troškove zakupa u iznosu od 2.512,26 KM.

<sup>12</sup> Ugovor o zakupu poslovnog prostora sa Adom Kasumovićem po cijeni mjesečnog zakupa sa PDV u iznosu od 620,10 KM, što za 11 mjeseci 2017. godine iznosi 6.821,10 KM. Ugovor o zakupu sa „Pruščanović“ d.o.o po cijeni mjesečno sa PDV u iznosu od 819,00 KM, odnosno za 1 mjesec 2017. godine zakupnina iznosi 819,00 KM. Ukupno troškovi zakupnine za oba zakupa iznose 7.640,10 KM. Stranka je tokom 2017. godine platila dugove po osnovu zakupnina iz ranijih godina RMK Zenica u iznosu od 2.164,98 KM, koji nisu troškovi zakupa za 2017. godinu.



iz prethodne godine prema svim dobavljačima evidentirala u jednom iznosu od 742.508,02 KM, čime su izgubljene evidencije o obavezama stranke prema svakom dobavljaču pojedinačno.

Istovremeno, Demokratska fronta je u finansijskom izvještaju, koji je podnijela Centralnoj izbornoj komisiji BiH pravilno prijavila obavezu prema dobavljaču „Direct Media“ d.o.o. Sarajevo u iznosu od 148.318,07 KM, koja je potvrđena i od strane ovog dobavljača.

## 5.2. PREPORUKE

*Preporučuje se Demokratskoj fronti da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da finansijska sredstva obezbijedena za finansiranje stranke koristi isključivo za ostvarivanje ciljeva utvrđenih svojim programom i statutom,*
- *da se ne finansira iz izvora, koji su zabranjeni političkim strankama,*
- *da poslovne knjige vodi u skladu sa računovodstvenim propisima, odnosno da vodi pravilne evidencije o prihodima, rashodima i obavezama,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da vrši usaglašavanje svojih obaveza sa svakim od dobavljača pojedinačno i provede odgovarajuća knjiženja u poslovnim knjigama.*

### KOMENTAR:

Demokratska fronta se očitovala na Preliminarni izvještaj o pregledu godišnjeg finansijskog izvještaja za 2017. godinu.

Stranka je uz očitovanje dostavila i korigovani obrazac 3-e (nenovčane donacije i računi koje stranka nije imala obavezu da plati) godišnjeg finansijskog izvještaja za 2017. godinu u kojem je iskazala nenovčanu donaciju Saveza samostalnih sindikata Zavidovići po osnovu korištenja poslovnog prostora bez naknade, što je zabranjeno odredbama člana 8. stav (1) Zakona o finansiranju političkih stranaka. Služba za reviziju je ovaj nalaz ugradila u Konačni izvještaj o pregledu godišnjeg finansijskog izvještaja za 2017. godinu.

U skladu sa odredbom člana 14. stav (3) Zakona o finansiranju političkih stranaka, politička stranka je dobrovoljno otklonila neke od nedostataka, koji su navedeni u preliminarnom izvještaju, o čemu je dostavila relevantne dokaze.

Služba za reviziju je uvažila argumentovane primjedbe i korigovala nalaze navedene u Preliminarnom izvještaju.

Revizor

Nevenko Andan

Pomoćnik revizora

Mr.sc. Goran Cicović

Šef Službe za reviziju

Mr.sc. Hasida Gušić